

PRIJEDLOG

Na osnovu člana 73. Poslovnika o radu Vlade Federacije Bosne i Hercegovine - Prečišćeni tekst („Službene novine Federacije BiH“, br. 6/10, 37/10 i 62/10), a u skladu sa odredbama čl. 184. i 185. Poslovnika Predstavničkog doma Parlamenta Federacije BiH („Službene novine Federacije BiH“, br. 69/07 i 2/08) i odredbama čl. 177. i 178. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03 i 21/09), Vlada Federacije Bosne i Hercegovine je, na . sjednici održanoj .2019. godine, utvrdila sljedeće:

AMANDMANE na Prijedlog Zakona o doprinosima

AMANDMAN I.

U članu 9. stav (1) broj „18,50%“ zamjenjuje se brojem „18%“.

U stavu (2): u tački a) broj „3,08%“ zamjenjuje se brojem „3%“, u tački b) broj „4,62%“ zamjenjuje se brojem „4,50%“, u tački c) broj „6,16%“ zamjenjuje se brojem „6%“ i u tački d) broj „9,25%“ zamjenjuje se brojem „9%“.

Obrazloženje

U cilju dodatnog rasterećenja poslodavaca, stvaranja povoljnijeg poslovnog ambijenta, stopa doprinosa za penzijsko i invalidsko osiguranje se smanjuje za dodatnih 0,50 indeksnog poena.

U stavu (2) su korigovane stope dodatnog doprinosa za penzijsko i invalidsko osiguranje za staž osiguranja s uvećanim trajanjem, radi usklađivanja sa naprijed navedenim smanjenjem stope doprinosa za penzijsko i invalidsko osiguranje.

AMANDMAN II.

U članu 11. broj „1,50%“ zamjenjuje se brojem „1%“.

Obrazloženje

U cilju dodatnog rasterećenja poslodavaca stopa doprinosa za osiguranje u slučaju nezaposlenosti se smanjuje za dodatnih 0,50 indeksnog poena.

AMANDMAN III.

U članu 12. u tački a) broj „18,50%“ zamjenjuje se brojem „18%“ i u tački c) broj „1,50%“ zamjenjuje se brojem „1%“.

Obrazloženje

Ovim se vrši usklađivanje stopa doprinosa za samostalnu djelatnost sa izmjenama stopa sadržanim u amandmanima I i II.

AMANDMAN IV.

U članu 17. stav (3) iza riječi „obrok“ dodaju se riječi: „,naknada za prijevoz na posao i s posla“.

U stavu (9) broj „65%“ zamjenjuje se brojem „85%“ i broj „0,40“ zamjenjuje se brojem „0,35“.

U stavu (10) broj „70,00“ zamjenjuje se brojem „80,00“.

Obrazloženje

Predloženo proširenje osnovice za plaćanje doprinosa, u stavu (3), i na iznos naknada za prijevoz na posao i s posla, u prilog je stvaranja uslova za predložena smanjenja stopa doprinosa.

Predložene izmjene u stavu (9) su u cilju dodatnog stimuliranja zapošljavanja potrebne stručne radne snage u radno intenzivnim i niskoakumulativnim djelatnostima, koje su pretežno orijentirane na izvoz odnosno jačanje konkurentnosti na inostranom tržištu (prvenstveno u tekstilnoj, kožnoj i industriji obuće).

Izmjenom stava (10), primanja od penzijskog doprinosa na koja se ne plaćaju doprinosi se povećavaju sa 70,00 KM na 80,00 KM mjesečno, radi usklađivanja sa povećanjem ličnog odbitka sa 700,00 KM na 800,00 KM.

AMANDMAN V.

U članu 24 stav (4), iza riječi: „poljoprivrednu djelatnost“, dodaju se riječi „ili kućnu radinost“.

Obrazloženje

Ovom dopunom se propisuje osnovica za obračun i plaćanje doprinosa i za kućnu radinost kao umnožak prosječne plaće i koeficijenta 0,29, jer se radi o izuzetno niskoakumulativnoj djelatnosti u cilju smanjenja sive ekonomije.

AMANDMAN VI.

U članu 52. tačka b) riječi: „(član 29. stav (1))“ zamjenjuju se riječima: “(čl. 28. i 29.)”.

Obrazloženje

Ovom odredbom propisuje se kazna zbog neplaćanja doprinosa u propisanom roku i za lice koje plaću ostvaruje neposredno od inostranog poslodavca, a koje je u skladu sa odredbama Zakona o doprinosima obveznik plaćanja doprinosa.

AMANDMAN VII.

U članu 55. stav (1) broj „60“ zamjenjuje se brojem „30“.

Obrazloženje

Ovim odredbom se skraćuje rok za donošenja Pravilnika o primjeni Zakona o doprinosima, sa 60 dana na 30 dana od dana stupanja na snagu ovog zakona, koji je neophodan za propisani početak primjene Zakona.

AMANDMAN VIII.

U članu 56. stav (2) broj “1,0376” zamjenjuje se brojem “1,0222”.

Obrazloženje

Ovom izmjenom se usklađuje propisani koeficijent za preračun bruto plaća sa predloženim promjenama stopa doprinosa.

AMANDMAN IX.

U članu 58. broj “2019.” zamjenjuju se brojem “2020.”.

Obrazloženje

Ovom odredbom se propisuje početak primjene Zakona o doprinosima.

P R E M I J E R

Fadil Novalić

V. broj: /2019
 .2019. godine
Sarajevo